



Cumün da Scuol

Dal cussagl cumünal

In sias ultimas sezzüdas ha il cussagl cumünal trattà surtuot las seguaintas fatschendas:

Serrada dal Stradun

Pervi da lavuors da sanaziun dal Stradun (cumprais condots per aua e chanelisaziun) e la fabrica da la Residenza Madlain / Chasa Nova sto gnir serrà il Stradun (Via dals Bogns fin entrada da la garascha Coop) tanter ils 11 avrigl e'ls 24 gün 2011 pel trafic motorisà. Dals 11 avrigl fin la fin da mai cun excepziun da Pasqua sto gnir serrà il Stradun eir pels peduns. Ils respunsabels dals differents fabricats han supplichà instantamaing al cumün d'agredir al giavüsch da serrar il Stradun per quistas ca. 7 eivnas eir pels peduns, e quai per motivs da sgürezza.

Il cussagl cumünal inclegia chi nun es agreabel pels peduns da stuvair sviar. El vaiva previs perquai ün concept cun ün passagi, ha però stuvü verer aint cha ün tal nu füss be stat collià cun cuosts implü, dimpersè vess apunta chaschunà eir problems da sgürezza.

Ün fögl volant chi vain scumparti als 4 avrigl in tuot las chasadas (eir abitaziuns da vacanzas) infuormescha in detagl davart ils impedimaints da trafic e las pussibilitats da sviar. I vain eir pisserà per üna buna signalisaziun sül lö.

Masüraziun lot 9

Il cussagl cumünal ha decis tenor proposta da l'Uffizi chantunal per agricultura e geoinfuormaziun da far la masüraziun pel lot 9 (territori sur il god) in möd simplifichà. Aint il preventiv es previs ün import da 20'000 francs.

PQ Pütvia / Sotchà

Il cussagl cumünal ha deliberà il plan da quartier Pütvia / Sotchà per l'exposiziun publica.

Lavandaria in chasa Hatecke

L'ajer chi sorta da la lavandaria in chasa Hatecke disturba a vaschins in vicinanza. Davo avair consultà divers perits sco eir ils uffizis respunsabels in merit ha constatà il cussagl cumünal cha quista ventilaziun nu chaschuna objectivmaing ingün disturbi. Il cumün nun ha dimena ingüna pussibilità ed ingün motiv d'intervgnir.

Ledscha da pulizia, reclamaint da multas disciplinas

Per pudair multar sül lö a personas chi cuntrafan a las prescripziuns da la ledscha da fabrica in connex cun zonas da protecziun pella sulvaschina e zonas da quietezza es da cumplettar il reclamaint da multas disciplinas. Il cussagl ha approvà la proposta da la direcziun, uschè cha cuntrafacziuns pon gnir multadas a partir da subit cun CHF 200.--.

Surdattas da lavuors

Via da Tarasp

Lavuors d'indschegner: Peter Brem SA, Scuol

Stradun/PQ Polenta

Lavuors d'impressari: Bezzola Denoth SA, Scuol

Dumondas da fabrica

Il cussagl resp. la direcziun han dat ils seguaints permiss da fabrica:

- Bruno Spieser: surfabricaziun Val Bella in Trü Sura; il recuors d'ün vaschin ha il cussagl cumünal refüsà
- HRS Real Estate AG: sondaschas dal terrain pel fabricat nouv previs sün l'areal da la posta
- Friedt SA: fabricat nouv cun officina ed abitaziun in Buorna
- Baumgartner Immo AG: garascha suotterrana cun 8 plazzas da parcar pella Chasa Sivü in Döss
- René W. Jörg: müdamaints interns e müdamaint d'adöver d'ün tablà in Schombrina Sura
- Jon Cantieni-Schwyter, Sotchà Dadora: ulteriur collectur da sulai

Scuol, marz 2011

CC 65-66 / CDF 45-46

Il cussagl cumünal